



Ассаламу аьлайкум, дустал

ХҖЯХҖА БАРГЪ

Лакрал райондалул кказит. Ита бакълай 94-сса шин.

«ЗАРЯ»

Нюжмар

26 май

2017 ш.

№ 23

gazetazary@mail.ru

Сайт: zaria-online.ru

Батлаву

Диспансеризациялул агъамшиву

Ларгсса нюжмар кьини райадминистрациялулу хьунни райадминистрациялул, идарарттал, организациярдал зузатт ва каялушиву дайми, ЦРБ-лул хIакинтал ва медициналул зузатт бавтIсса совещание.

1960, 1957, 1954, 1951, 1948, 1945, 1942, 1939, 1936, 1933, 1930, 1927, 1924, 1921, 1918 шиннардий бувсса инсантурал.



Миннал хьхичIун бувкун, трибуналий щябивкIуна, «Лакрал район» МР-данул бакIчинал Iма заместитель **Абакар Кьюннуев**, медициналул страхованиелул Лаващавсса фондрал директор **ХIусайн Аьлиев**, мура фондрал хьунама специалист **ХIусайн Насруллаев** ва хIакин -эксперт **Рустам Айгунов**, ЦРБ-лул хьунама хIакин **АьвдурахIин Дибиров**. Гьуртту хьанай бия ЦРБ-лул Iасса поликлиникалул хьунмур, райондалул оьрчIал хьунмур хIакин **ПатIимат ХIажиева** ва цайми.

Микку агъалинан бувчIин булла бия диспансеризация цирив, муния инсаннал цIуллушиву дуруччин цуксса хьунмасса мюнпат шайссарив, му цукун дайссарив. ХIасил, диспансеризациялул бавхIусса циривмурцаннуя ихтилатру бунни ХIусайн Аьлиевлул, ХIусайн Насруллаевлул, Рустам Айгуновлул, ПатIимат ХIажиевал.

ЦРБ-лул хьунама хIакин АьвдурахIин Дибировлул кIишI бунни цIанасса чIумал райондалул медициналул идарартту, ЦРБ цукун зий буссарив, цIусса цукун-цукунсса медициналул багьлул ххирасса кьай-кьуй ласун бовхьуссарив,

дахьра дайди хьлахьисса кьашайшивуртту кIулдавриву диспансеризациялул цуксса бияла буссарив.

Диспансеризация багьайкун дансса каша, аьркинмур, хIадур хьусса хIакинтал жучIава бовшивугу бусли ур ЦРБ-лул хьунама хIакин.

- «Ттул цичIар цIий дакьар, хIакинначIан кьагьарчагу бучIир», - тIисса пикри бикIай чIявусса инсантурал. Кьашавайшивуртту цайра душиву чIалансса, шак багьансса цичIав шуркIал хьанай бакьанугу, азарду кьютIну лирчIун, яла захIматсса иширттахун багьайссар. Масала, хIакинтурал ххал бувкун чIявусса инсантурай оьгтул давление лахьсса лякьай, хIатта миннан цала давление лахьшиврия хаварвагу бакьа бунува. Му азар хьин дан цила чIумал кьабайбиширча инфаркт, инсульт хьун, бюхьайсар, увкунни АьвдурахIиннул.

ТФОМС-рал вакилтурал бувчIин бунни диспансеризация 3 шинай цал дайшиву 21-ния 99 шин хьуннинсса инсантурай.

2017 шинаву диспансеризация дан багьлай бур: 1996, 1993, 1990, 1987, 1984, 1981, 1978, 1975, 1972, 1969, 1966, 1963,

Рамадан барз

Кьуран ликлай байбивхьусса барз

Майрал ахирданий байбихьлай бур мусулманнал календарьданул яла бусравмур, хIурмат бумур, урчIулчинмур барз - Рамадан. Ва барз балугьравун увхсса, цIуллусса мусулманчувнал бутан аьркинссар зума дургьуну. Мусулмулул ва Бухаринал цачIун бувсса хIакьсса хIадисирттаву бур Абу -Хурайрал бувсуса Аллагьнал идавсил (с.а.с.) махьру: «Рамадан байбишайхту, Алжаннул дарвазарду тIитIайссар, Дужжагьрал дарвазарду лакьайссар, иблисеругу ссинжиртирттай бахIайссар».

Кьурандалул 2-мур суралул («Ал-Бакара») 185-мур аятрай тIий бур: «Рамадан зуруй ликкан бувссар Кьуран, инсантуран тIайласса ххуллу ккаккан буллан ва му ххуллий хIакьмургу, щялмахьмургу личIи бан лахьхьин буллан. Зуятува му зуруй уманал му зума дургьун бутан аьркинссар. А инжитну ягу аьрххилийн увккун уманал микссава гьантрай зума цамур чIумал дугьан аьркинссар. Аллагьнан ччиссар зун бигьашиву дан, зун захIматшиву

дан кьаччиссар. Ккаккан бувссаксса гьантрай зумагу дургьуну, зунма тIайласса ххуллу ккаккан бувнутIий, «Аллагьу акбар!» куну ччиссар. Бюхьайхха, зу бусрав -барчаллагьрай бикIан!»

Аллагьнал калам МухIаммад идавсин (с.а.с.) Рамадан зуруй шала кьаликкарчагу, му ликлай байбивхьуну бур ва зуруй, хIатта хьунмур бутIа ливккун бур му зурул мутталий.

Зума дугьан мусулмантурай ялув бивхьуну бур, миннал цала (Ахир 4 лаж.)

КIундиннал депутатътурал собраниелул хIукму

№4. 18 май 2017ш.

Майрал 18-ний хьунни «КIундиннал сельсовет» МО-рал депутатътурал собраниелул заседание. Муний гьуртту хьунни 6 депутат.

Заседаниелий ххалбивгьунни ца масъала: - «КIундиннал сельсовет» МО-рал бакIчинал кьуллугьрай зунтIима аххана ансса конкурс баян баврия ва миннал кандидатурарду личIи дансса конкурсерал комиссиялул ца бутIа шаллу баврия.

2015 шинал июньдалул 16-ний депутатътурал бувсса №4 хIукмулул («Об утверждении Положения о порядке проведения конкурса по отбору кандидатур на должность главы МО «сельсовет Кундынский» Лакско-го района РД») 3-мур бакIрал 20-мур пунктрал 1-мур подпунктрал 19-мур параграфрай бунну, депутатътурал собраниелул хIукму бунни:

1. Дагьусттан Республикалул Лакрал райондалул «КIундиннал сельсовет» МО-рал бакIчинал кьуллугьрайнсса конкурс баян бан (майрал 19-ния июньдалул 17-нин).

2. Документру кьамул буллансса чIун ккаккан дан майрал 19-ния июньдалул 7-нин.

3. Конкурсерал цалчинмур щачIану бан июньдалул 19-ний ссят 11.00-ний шяраваллил администрациялул кьатраву «КIундин-

нал сельсовет» МО-рал депутатътурал Собраниелул заседаниелий.

4. Конкурсерал кIилчинмур щачIанугу, «КIундиннал сельсовет» МО-рал депутатътурал собраниелул заседаниегу дан июньдалул 17-ний ссят 11.00-ний шяраваллил администрациялул кьатраву.

4.1. МО-рал бакIчинал кьуллугьрайнсса кандидатурарду личIи дансса конкурс даврил низамраясса Положиелул 4-мур бакIрайн бунну, «КIундиннал сельсовет» МО-рал депутатътурал собраниелул 2015 шинал июньдалул 16-ний бувсса №4 хIукмулий цIакь дурсса конкурсерал шартIру ришун райондалул «Хьяхьабаргъ» казитрай ва Лакрал райондалул сайтрай.

5. 2015 шинал майрал 26-ний «КIундиннал сельсовет» МО-рал депутатътурал собраниелул бувсса №4 хIукмулул 2-мур бакIрал 7-мур пунктрайн бунну, цIакь бан комиссиялул члентурал бачIи, вай инсантал:

5.1. Гаммуев Жалал Маликлул арс;

5.2. ХIажиев Илдар Алмакьсудлул арс.

6. ХIукмулул копия гьан бан «Лакрал район» -далул бакIчиначIан, конкурсерал комиссиялул кIилчинмур бачIи сакин баншиврул.

Ж.М.ГАММУЕВ, депутатътурал собраниелул председатель, «КIундиннал сельсовет» МО-рал бакIчи.

Культура

П.Аблиевал творчестволул вечер

Гъашину Дагъусттан Республикалул халкъуннал шаэр Пазу Аблиева буну 85 шин бартлаглай дур. Муницпун бавхлуну, Гъумук оьрчлал библиотекалуву хъунни га дакӀнийн бутансса вечер.

85-лет
Пазу Аблиевой



Вечерданийн оьвкуну бия администрациялул зузалтрайну.

Дачин дурна вечер хъунмур библиотекарь Патимат Лухиевал. Ванил балжину бувсуна шаэрнал творчестволия, вечерданийн хӀадур дурсса Пазул чивчусса луттирдал выставкалия.

Ва вечерданийн бавхлун бия Гъумучиял школалий 8 «б» класраву дуклакисса оьрчӀру. Миннал дурккуна Пазу Аблиевал назмурду, укуна ганил чивчусса балайрду.

ЦӀадурксса шаэрнал творчестволул хасъсса вечер хӀадур дурну дия библиотекалул зузалт Патимат Лухиевал ва Зарема Исаевал.

М.Хизриева, ЦТКНР-даний

каялушиву дуллалиманал заместитель.

ЦӀа дан лайкъминнава

60 шинал мутталай

Вай гъантрай 60 шинал юбилей кӀицӀ ларгунни хӀакъсса зунтталчув, цӀанихсса педагог, пагъму бусса каялушиву дуву Къадилов Макъсуд МахӀаммадзагъидинал арсенал. Хъинну вибувцӀусса бур юбилярнал биография.

М.Къадилов уву ур 1957 шинал майрал 21-ний Убурдал шяраву. 1975 шинал Гъумучиял школагу ххуйсса кыматирттай къуртал буну, увхссар Дагъусттаннал педагогтал итабакъай институтрал Естественно-Географический факультетрайн. Му къуртал байхту 1982 шинал зун айивхъуссар ЧӀарттал 8 шинал школалий, Оьмари Исмаилович директорнал биялдаралу. Ванал най унува цала-цува даврих гъира бусса, карчӀ дакъасса, спорт ххирасса волейболлай, футболлай ххуйну уккайсса ушиву чӀалачӀи увна. Институтраву му пагъму чӀалачӀи буллай ивкӀшиву тасттикъ бансса лишанну, бахшишру дур ванал.

1982 шинал Макъсуд дихлан ивкӀуна географийялул, инглис мазрал ва физкультуралул дарсеру. Гъуртту шайва райондалий дуллалисса гъарцагу спортрал давурттай. 1983 шинал 9-мур майрай 32 килорал гира лирчуну ва гъаз дурну 2-мур ва 3-мур кӀану бувгъуна.

ЧӀярussa шиннардий ванал каялушиврулу дачин дурсса туристурал ва краеведтурал кружокрал республикалий цимилгу 1-мур кӀану бувгъуссар, райондалул школарттал дяниврив 12-ла ххув хъуссар. Гъуртту хъуссар Пушкинтау, Агъачаул, Сергокъала ва цаймигу кӀанттай хъусса слетирттай.

КӀилчинми ва шамулчинми кӀанттурду ванал вардиш був-



миннал мудангу бугъайва.

ЧӀарттал жамятран, школалул коллективран, дуклаки оьрчӀан Макъсуд МахӀаммадзагъидинал арс ялу-ялун бусрав, ххира хъанан ивкӀуна. Учителнал пиша ялу-ялун магъыр буллалисса М.Къадиловлул 21 шиннай завучшиву дурну, дуккавил даража хъьичӀунмай бан хъунмасса захӀмат бивхъуссар. Гания махъ хӀакъынуса кьинигу школалул директорну зий ур. Ванал ва ванашал уртакъну зузисса коллективрал чӀалачӀи буссар цивппа цуксса хӀарачат буллай буссарив оьрчӀан куртӀсса кӀулшивуртту дулун. ЕГЭ-лул экзамену дуллай оьрус мазралмуний ЧӀарттал школалул дуклаки оьрчӀ ХӀ.ХӀайдаровлул лавсӀсар 100 балл, АхӀмадова Анжелал лавсӀсар 93 балл. Райондалий укун лахъсса ккакьяртту данми хъинну чанссар.

Макъсуд Къадиловлул каялу-

шиврулу школалий дакъассагу, ЧӀарттал шяраву дурссар ххуй-ххуйсса давуртту.

Ванал каялушиврулу буссар футболлай буккай майдан бухмур школалия-спортзал, цӀу буссар волейболлай буккай-мур.

Жамятрал Макъсуд увчӀуссар ЧӀарттал колхозрал председателънугу. Миккугу цала буржу маршӀну биттур буллай ивкӀссар. Жамятийсса давурттая ва къауххайссар, чӀярussa шиннури бувчӀавурттал участокрал комиссиялул председателъну.

ЧӀярурри М.Къадиловлул дуллуса личӀи-личӀисса грамотартту, бахшишру, барчаллагърал чагъарду.

В Дагъусттан Республикалул лайкъ хъусса учителли, халкъуннал дуккавил отличникри. ЧӀярвуссар цаймигу ваная эбрат ласунсса кӀанттурду.

Вай гъантрай Макъсудлул юбилейрал кьини хъун дан чӀярвусса дувс-гъалмахтал, цачӀу дуклай бивкӀми, ЧӀарттал ва Убурдал шяраваллал вакилтал бавтӀуна.

Микку ихтилатру бувминнал кӀицӀ лавгунни Макъсуд Къадиловлул инсаншиврия, захӀмат ххирашиврия, жамятрал чӀарав ацӀаврия ва цаймигу ххуйсса тӀуллая. ЧӀярussa шиннардий цӀуллуну, тӀайлабацӀу ва талихӀ кулпатраву буну, даврий ларайсса ккакьяртту хъанай итаннав ина Макъсуд МахӀаммадзагъидинал арс.

*МУХТАР МАХӀАММАДОВ,
РД-лул лайкъ хъусса учитель,
Абрасатнал халкъуннал педагог.*

Образование

ЕГЭ-рду дайди хъьлай дур

Майрал 29-ний, итни кьини школарду къуртал буллалисса дуклаки оьрчӀру байби хъьлай ур паччахӀлугърал экзамену, ЕГЭ-рду дуллай. Цалчин миннал дуллантий бур географиялул ва информатикалул экзамену.



Дагъусттаннай ЕГЭрду дуллан цукун хӀадур хъуну бури ххал бан увкӀун ия Рособрнадзорданул хъунма Сергей Кравцов. Майрал 23-ний му масъала ххалбивгъунни республикалул БакӀчи Рамазан АьвдуллатӀиповлул каялушиву дуллалисса гъартасса совещаниелий.

Микку агъаммур доклад бунни РД-лул образованиелул ва элмулул министр Шахаьппас Шаховлул. Ванал бувсунни, экзамену дуллан хӀадур буну бушиву 75 пункт, миннул шаллушинна дуллай ва ми тӀайлану зузаврил ялув бавцӀуну бушиву 5 азаруннийн бивсса сакиншинначитал. Хасъсса дуккаву ва аттестация дуршиву ми пунктирдал 179 каялувшинначитал, 84 техникалул специалистнал ва 161 медициналул зузалал.

Республикалий ЕГЭрду дуллаварил ялув бавцӀуну бикӀантӀий бур федерациялул инспектортал ва жамятрал чулухасса ялувбацӀулт.

Р.АьвдуллатӀиповлул кӀи-

цӀлавгунни, паччахӀлугърал экзамену дулавриву республикалий диркӀсса низам дакъашиву духлаган дан бювхъушиву, амма кӀулшивуртту дулаврил даража жучӀава уттигу ялавайну бушиву. «Утти жунма

аьркинну бур образованиелул качество ларай дуллан», -укунни ванал. Мукунма кӀицӀлавгунни, Дагъусттаннай яла агъамсса, хъьичӀунсса масъалану цала ккалли буллай ушиву оьрчӀан ххуйсса кӀулшивуртту ду-

лаву. Муницпун бавхлуну, ванал бувсунни республикалул вице-премьер Екатерина Толстикова хъунмасса хӀарачат буллай бушиву педагогтал хӀадур баврил даража лавай бан.

С.Кравцовлул барчаллагъ

укунни республикалий каялушиву дуллалиминнахъ махъсса шиннардий ЕГЭ дулаврил даража лавай баврихлу ва кӀицӀлавгунни гъашинусса хӀадуршиндарайн багъайсса цаппара масъаларду.

Барча буллай буру гъашинусса выпускниктал экзамену дайдишавришал! ЧӀатӀий буру миннан чарабакъа дулун аьркинмигу, цала язидургъумигу экзамену дукӀуниял ххуйсса даражалий дулун, гихунмай цанма гъира бусса пишарду лахъхъин вuzирдавун буххансса, къамул бансса баллу ласунсса куцуй.

Шиная шинайн жула билаятрай личӀи-личӀисса давурттай зун аьркин хъанай бур ялу-ялун ххуйсса, цӀакъсса, куртӀсса кӀулшивуртту дусса специалистал. Мукунминнаву чӀяву хъананнав Лакрал райондалийсса школарду бувккусса оьрчӀру ва душру. ТӀайлабацӀу баннав зун экзамену дуллалини!

Бюджет МО «С/совет Карашинский» на 2017 г.

№ п/п	Доходы	2017г.	1 кв	2 кв	3 кв	4 кв
	Численность населения	348				
1	Земельный налог	120 000	30 000	30 000	30 000	30 000
2	Налог на имущество	11 100	2 775	2 775	2 775	2 775
3	Подходный налог	15 000	3 750	3 750	3 750	3 750
4	Ненал.доходы	1 000	250	250	250	250
5			-	-	-	-
6	Дотация	906 100	226 525	226 525	226 525	226 525
7	РФ ФПМР		-	-	-	-
8	ВУС	65 000	16 250	16 250	16 250	16 250
9	ЗАГС		-	-	-	-
	Всего доходы	1 118 200	279 550	279 550	279 550	279 550

Глава адм.

Бухгалтер

Расходы

Глава	Раздел	Подразделение	Цель статьи	Вид расхода	Наименование статьи	Статья	2016г.	1 кв	2 кв	3 кв	4 кв
Аппарат упр.	1	104		121	Оплата труда	211	444 500	111 125	111 125	111 125	111 125
				129	Начисление на ФОТ	213	134 200	33 550	33 550	33 550	33 550
				122	Прочие выплаты	212		0	0	0	0
					Услуги связи	221		0	0	0	0
					Транспортные услуги	222		0	0	0	0
					Коммунальные услуги	223	4 300	1 075	1 075	1 075	1 075
					Услуги по содер. имущ.	225					
				244	Прочие услуги	226		0	0	0	0
								0	0	0	0
				851	Прочие расходы	290		0	0	0	0
				244	Увелич. стоимости основных средств	310		0	0	0	0
				244	Увелич. стоимости материальных запасов	310		0	0	0	0
Итого:							583 000	145 750	145 750	145 750	145 750
СКХ	5	503		244	Увелич. стоимости материальных запасов	310		0	0	0	0
СКХ	5	503		244	Коммунальные услуги	223		0	0	0	0
СКХ	5	503		244	Прочие услуги	226					
Итого:							0	0	0	0	0
порт	11	1102		12	Прочие расходы	290					
Итого:							0	0	0	0	0
Б	8	804		121	Оплата труда	211	146 600	36 650	36 650	36 650	36 650
				129	Начисление на ФОТ	213	44 300	11 075	11 075	11 075	11 075
					Прочие выплаты	212		0	0	0	0
					Оплата услуг связи	222		0	0	0	0
				244	Прочие услуги	226		0	0	0	0
					Увелич. стоимости основных средств	310		0	0	0	0
					Увелич. стоимости материальных запасов	310		0	0	0	0
Итого:							190 900	47 725	47 725	47 725	47 725
агс	1	304		530	Прочие расходы	310					
Итого:							0	0	0	0	0
ЗУС		203		121	Оплата труда	211	50 000	12 500	12 500	12 500	12 500
		203		129	Начисление на ФОТ	213	15 000	3 750	3 750	3 750	3 750
		203		244	Увелич. стоимости материальных запасов	310		0	0	0	0
того:							65 000	16 250	16 250	16 250	16 250
политика	7	707		1	Прочие услуги	226		0	0	0	0
того:							0	0	0	0	0
Итого:							838 900	209 725	209 725	209 725	209 725

Бюджет МКУК "КДЦ" "С/п Карашинский" на 2017г.

Глава	Раздел	Подразделение	Цель статьи	Вид расхода	Наименование статьи	Статья	2016г.	1 кв	2 кв	3 кв	4 кв
001 Культура сдк	8	801		111	Оплата труда	211	214 500	53 625	53 625	53 625	53 625
				119	Начисление на ФОТ	213	64 800	16 200	16 200	16 200	16 200
				244	Прочие услуги	226		0	0	0	0
					Увелич. стоимости материальных запасов	340		0	0	0	0
001 Библиотека	8	801		1	Оплата труда	211		0	0	0	0
					Начисление на ФОТ	213		0	0	0	0
								0	0	0	0
Итого:							279 300	69 825	69 825	69 825	69 825

Тарихру ва бивк1мур

1450 шин Лаккуй холера сукку шаву.

1536 шин Лак ва рутул лязгийн кьарци буккаву. Ахттиял шяравалу ччуччаву.

1560 шин. Иван Грозныйнал аьралийчув Черемисин Гьази-Гьумучиял шамхаллугьрайн поход даву.

15-мур аьсру Гьумучатусса Ибрагьиннул арс Ах1мадлуя хьунасса аьлимчу шаву.

1582 шин. Х1усманпаша бак1чину туркнал аьрал Дагьусттаннайн буххаву. Гьази-Гьумучиял халкь туркнайн данди буккаву.

15-ку аьсрулул махьмур дач1и - Гьази-Гьумучиял шамхал Мах1аммад шаву.

1500-1501 шинну -Мах1аммадлул арс Гьазисултаннуя Гьази-Гьумучиял шамхал шаву.

15-мур аьсру. Лакраву аьраьнал чичру пив шаву.

1566 шин. Гьази-Гьумучиял шамхал Будаи 1-ма ивч1аву.

1574 -1575 шинну -Гьази-Гьумучиял шамхал Чубан 1-ма ивч1аву.

1582 шин - Лакрая, яруссанная ва даргалдая турк бух шаву.

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции
368360
Республика Дагестан
Лакский район
с. Кумух
Ул. Сурхайханова, 96

Газета набрана
и сверстана на компью-
терной базе редакции
газеты «Заря» и
отпеча-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 807 экз.
Цена свободная.

Газета зарегистриро-
вана Региональным
управлением регист-
рации и контроля за
соблюдением законо-
дательства РФ о СМИ
и печати в РД Гос-
комитета РФ по пе-
чати.
Регистрационный ПИ
№ 104561.
Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

(Дайдихьу 1 лаж.)

гьирарду, гьавасру бугьланшиврул, инсантал миннул лагьтал гьахьуншиврул, цала ялув бавцун бикланшиврул. Му инсаннан буллалисса таммихI бакьар, я мунай дирхьусса гьиву дакьар. Мунил мурад - инсаннан цала цува увгьуну, рувхI-нийсса (диндалул) низам дурурчуну яхьанан лахьхьин бавур. Мукун, шариаьтрал низам дурурчуну яхьанарчари муная хIакьсса Аллагнал лагь хьунтIисса.

Кьуран ликканнингу инсантурал дугьлай бивкIсса зумалия Исламрал дугьан ккаккан бувсса зумалул личIишиву мури - га зумалул инсаннан лахьхьин буллай бивкIхьурча оьрмулия арх уцан, Исламраву мунил лахьхьин буллалиссар гьарца ишираву Аллагнайн мютийишиву чIалачIи бан хIадурну икIан. Зума дургьусса чIумал инсаннан бас дайсса чурххал тIабаьтрал тIалавшинну: дукра дукаву, хIачIия хачIаву, жинсирал (бурхьни - цушиврул) ара - мунахьхьун ихтияр дуллалиссар шаллу дан зума дугьайхту. Яни, чурххал

Кьуран ликлай байбивхьусса барз



тIабаьтрал тIалавшинну баштанна бас кьадурну (оьрмулия ка кьаларсуну), ми цила кьараллавун дичин. Зума дургьусса чIумал мукунма кьабучIиссар цайминная оьккину гьалгьа тIун, шьямахь буслан, шинчIав оьбала буллан. Мукун, му- сулмантурал жамьатраву хIасул шайссар диндалул тIалавшин- найсса, Аллагнайн иман дир-

хьусса ара.

«Зума дугьан зул ялув бивхьуссар ккаккан бувсса гьантрай. Агар зюяту цу-унугу инжитну ягу ххуллийн увккун ухьурча, микссава гьантрай цамур чIумал. Зума дугьан захIматну буминнал тIурча, кьадургьусса тахир шюшин, аьркинссар мискинчув дука- ан (уччин ан). Шил бунугу

Спорт

Волейболданул фестивальданун хасну

Дагьустган Республикалул БакIчи Р.АьвдулатIиповлул сипталий жула республикалий хьунни волейболлай буккаврил республикалул фестиваль. Муниву гьуртту хьанай, майрал 21-ний Гьумук спортзалданува райондалийсса дуклаки оьрчIал дянив сакин бувну бия волейболлай буккаврил бяс-ччал.



Му бяс-ччал цацIу сакин бувна ДЮСШ-лул зулалтралгу, райондалул администрациялийсса спортрал специалистналгу, образованиелул управлиелулгу, оьрчIащал, жагьилтуращал ва туризмалул даву дайсса отделданулгу.

Волейболданий буккаврил бяс-ччаллаву гьуртту хьунни чIава жагьилтурал 8 команда ва душварал 3 команда.

Тгуплий булкай байбишинин, ДЮСШ-лул методист, РФ-лул образованиелул хIурматсса зузала Илдар ХIажиевлул барча бувни чIавасса спортсмен-тал вай бяс-ччаллаву гьуртту хьун бучIавриштал, чIа укунни ми цинянан дуккавливугу, спортравугу хьхьичIуннайши-

вуртту.

-Жува укунсса фестивальданува гьуртту шаврил мурад хьанхьиссар райондалий волейбол машгьур хьун баву, ялун нанисса жагьилсса ник цIуллу-ну оьрму бутлай яхьанай аьдат хьун баву, райондалийсса чIавасса спортсментурал дянивсса дусшиврийсса дахIавуртту цIакь даву, -укунни ванал. - Укунсса бяс-ччаллал дуклаки оьрчIру чурххалгу цIакь байс-сар, аькьуллулгу итхьхьхан байс-сар. Мукунма жагьилми мудан физкультуралул ва спортрал иширттавах хIала бухлай вардиш байссар.

ЧIатIий ура зун бяс-ччалли-ву хьхьичIунну, хIарачат буну гьуртту хьун. Ххув хьувча яла

гужмур команда.

Гьуртту хьанхьисса командарттаву бия школардай 5-11-ми классиртаву дуклакисса оьрчIру ва душру. Миннал дянивсса ччалгу бавкьуну, дусшиврул аралий хьуна. ЦIакьну, хIарачат буну, кьанкьану кув-найн кув данди бавцIуну, чIава жагьилтурал дяниву 1-мур кIа-

хушрай хьинбала барча, му-нан цанма хьинссар...» (Сура 2, аят 184).

Рамадан - зурул календарь-данул барзри. Муниятту му зуруй бикIан бюхьайссар 29 ягу 30 гьантта.

Инжитну ягу аьрххилий уманал ми гьантрай зума дугь-аву цамур чIумуйн бутаву - бурж бакьар. Мунал цала хIукму байссар: Рамадан зу-руйра дугьан дурив, махьнин рутан дурив. Му так куклу-шиннари. Мукунсса куклу-шинна дуссар чIивисса оьрчIан хьазам буллалисса ва лякь-луву оьрчI бусса хьамитайпа-лунгу (му бувсуну бур хI адис-раву), хьунив хьусса ва оьрму-лул захIматсса тагьарданувун багьминнангу. Вайнналгу аьр-кинссар, зумагу хьирив лархь-ун, кIия, шама мискинчунан уччинсса дукра дулун.

Рамадан зуруя кIулну бикIан аьркинмур жу гихунмайгу чичинну. ЧIатIий буру гьарца мусулманчунан ва бусравсса барз лайкьну, зума дугьан жуй-ва ялув бивхьусса Аллагнайн бусрав -барчаллагьрай бутан.

Кь.Кьурбанов

Душварал дяниву 1-мур кIану бувгьунни Гьумучиял, 2-мур -ЧIурттащиял, 3-мур - Гьумучиял школардал ко-мандарттал.

КIицIлавгунни яла хьхьичI-унну булкай бивкIми волейбо-листал:

«Яла ххуйну уклай ивкIма» хьунни Исаев Юнус (ЧIуртта-щиял школа).

«Яла ххуйну гьужум буллай ивкIма» хьунни ЧанкIуров ЧанкIур (Щардал школа).

«Ххув хьун яла хIарачат бул-лай ивкIма хьунни Аьлишаев Тажугтин (Гьумучиял школа).

«Яла ххуйну дахIавуртту, хIала -гьурттушиву дуллай ив-кIма» хьунни Хан МахIамма-дов (ЧIурттащиял школа).

«Тамашачитурал ххуй изав-рил приз» ларсунни Салман Ибрагьимовлул (ЧIурттащи-ял школа).

Бяс-ччалливу ххув хьумин-нан ва хьхьичIсса клантурду бувгьуминнан бахшишран бул-лунни дипломру, грамотарду, спортрал кьай-кьуй ва волей-болданул заназу кубок бяс-ччал сакин бувсса ДЮСШ-лул ди-ректор Ш.Хановлул ва админи-страциялийсса спортрал специ-алист М.ХIусмановлул чулуха.



